
ЎЗБЕКИСТОН ТУМАНИДА “ЭЗГУЛИК” МАВЗЕСИ ҚУРИЛИШИ БОШЛАНДИ

Вилоятимизда кенг кўламда бунёдкорлик, яратувчилик ишлари амалга оширилмоқда. Бу каби бунёдкорлик ишлари натижасида шаҳар-туманларимизнинг кўркига кўрк қўшилиши билан биргаликда аҳоли эҳтиёжини қондириш, турмуш шароитларини яхшилаш, оғирини енгил қилишга эришиляпти. Ҳудудлардаги кўп қаватли турар жой бинолари қурилиши эса одамларнинг уй-жойга бўлган талаб ва эҳтиёжларини қондириш масалаларига ижобий ечим топишга хизмат қилади.



Ўзбекистон тумани “Яккатут” маҳалла фуқаролар йиғини ҳудудида 200 хонадонли 10 та кўп қаватли турар жой бинолари қурилиши бошланди. Шунингдек, ушбу мавзеда замонавий хусусий клиника, математика ва хорижий тилларга ихтисослашган хусусий нодавлат мактаб ташкил этиш ҳам режалаштирилган.



Вилоят ҳокими Хайрулло Бозаров тумандаги янги қурилаётган турар жой мавзесида бўлиб, қурилиш ишлари билан яқиндан танишди.



Даставвал, нуронийлар, маҳалла фаоллари ва жамоатчилик вакиллари билан самимий суҳбатлашди, Президентимиз бошчилигида халқимиз учун яратилаётган шарт-шароитлар, хусусан, аҳолининг уй-жойга бўлган талаб ва эҳтиёжини қондириш борасида амалга оширилаётган ишлар тўғрисида сўз юритди.

4 / 8

- Қурилишлар қанча кўп бўлса, аҳолига шунча қулай шароит яратилади ва айти пайтда янги иш ўринлари пайдо бўлади, бу эса ёшлар бандлигини таъминлашда

катта аҳамиятга эга, - деди вилоят ҳокими.





Жамоатчилик вакиллари янги турар жой мавзесини “Эзгулик” деб номлаш таклифини билдирдилар. Вилоят ҳокими ушбу таклифни маъқуллади.



Шу куни янги қад ростлаётган уй-жой биносига дастлабки тамал пойдевори қуйилди. Кексалар ва барча йиғилганлар дуога қўл очиб, қурилаётган янги уйлар халқимизнинг яхши кунларига насиб этишини, юртимизда тинчлик ва барқарорлик бардавом бўлишини, бунёдкорлик ва яратувчилик ишлари янада ривож топишини тиладилар.



- Қ А Й Д Н О М А
1. 10 та 5 қаватли 200 хонадонли турар-жой бинолари (лойихавий)
 2. 2 қаватли савдо мажмуаси (лойихавий)
 3. Собиқ шифохона бинолари (мавжуд)
- Казонхона (мавжуд)
Ижтимоий кўриш цехи ҳудуди (мавжуд)
Ижтимоий кўриш цехи уйлари (мавжуд)

2020-11-12 23:32:24